



Republika e Kosovës
Republika Kosovo / Republic of Kosovo
Komuna e Rahovecit
Opština Orahovac/Municipality Rahovec
Kryetari i Komunës – Presednik Opštine – Municipal Mayor



INFORMATË RRETH PUNËS SË KKSBB-SË PËR VITIN 2020

2020

INFORMATË RRETH PUNËS SË KKSb-së PËR GJASHTË (6) MBLEDHJET E VITIT 2020

Nga: Kryetari i Komunës z. Smajl Latifi.

Në mbështetje të ligjit Nr.03/L-040, për Vetëqeverisje Lokale, dispozitave të neneve 3 dhe 4 të Udhëzimit Administrativ Nr. 27/2012 MPB- 03/2012 MAPL, kryetari i komunës së Rahovecit mban mbledhje të Këshillit Komunal për Siguri në Bashkësi.

Në vitin 2020 kryetari i komunës i ka mbajtur gjithsej 6 mbledhje të Këshillit Komunal për Siguri në Bashkësi, ku të gjitha këto mbledhja janë mbajtur sipas Planit të aprovuar për vitin 2020, pra janë respektuar të gjitha pikat e rendit të ditës të planit, gjithashtu ka pasur edhe ndonjë pikë shtesë, kjo është varur nga gjendja dhe situata e cila ka qenë në kohën kur është mbajtur takimi.

Përpos diskutimeve dhe debateve që janë bërë në këto takime sa i përket pikave të rendit të ditës, gjithmonë në fund të takimeve janë marr rekomandimet dhe konkluzat.

Më poshtë do ju paraqesim të gjitha takimet nga mbledhjet e Këshillit për Siguri në Bashkësi: Si pikat e rendit të ditës po ashtu edhe konkluzat që kanë dalë nga këto takime.

Mbledhjet e mbajtura për vitin 2020 nga Këshilli Komunal për Siguri në Bashkësi janë:

Pikat e rendit të ditës nga Mbledhja e KKSb-së e mbajtur me 29.01.2020

Rend Dite

1. Aprovimi i procesverbalit nga mbledhja e kaluar,

2. Vlerësimi i përgjithshëm i gjendjes së sigurisë në territorin e komunës së Rahovecit,

- Analizë e sigurisë në territorin e komunës së Rahovecit për vitin paraprak,
- Siguria në trafik,
- Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
- Rreth veprimeve dhe masave për luftimin e shkelësve të ligjit në komunën e Rahovecit,

3. Të ndryshme.

1. Pika e parë e rendit të ditës: **Aprovimi i procesverbalit nga mbledhja e kaluar**, është aprovuar në mënyrë unanime, pa asnjë vërejtje.

2. Lidhur me pikën e dytë të rendit të ditës, **Vlerësimi i përgjithshëm i gjendjes së sigurisë në territorin e komunës së Rahovecit**, në këtë pikë janë të përfshirë edhe nën pikat e rendit të ditës si: **Analizë e sigurisë në territorin e komunës së Rahovecit për vitin paraprak; Siguria në trafik; Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla; dhe Rreth veprimeve dhe masave për luftimin e shkelësve të ligjit në komunën e Rahovecit.** Sa i përket kësaj pike kryetari i komunës së pari ka konstatuar gjendjen e sigurisë në komunën e Rahovecit, e cila ka qenë e qetë dhe stabile. Gjithashtu sa i përket kësaj pike raporton gjithmonë edhe komandanti i stacionit të policës në Rahovec, ku për çdo takim komandanti i stacionit

jep një raport sa i përket gjendjes së sigurisë në komunën e Rahovecit për muajt raportues. Sipas komandantit të stacionit policor z. Fazli Morina, situata e sigurisë së përgjithshme në komunën e Rahovecit konstatohet se ka qenë e qetë dhe stabile si gjatë vitit 2019, ashtu edhe në këto ditë të muajit janar të vitit 2020. Siguria në trafik konsiderohet se është në një gjendje më të mirë falë angazhimit të të gjitha njësive, si dhe me kërkesë të drejtorive komunale, shkollave, bizneseve, qytetarëve dhe juve si anëtar të KKSB-së. Sipas statistikave aksidentet me dëme materiale gjatë viti 2019 ka pasur rënie nëse e krahasojmë me vitin 2018, në vitin 2018 kanë qenë 85 aksidente me dëme materiale në vitin 2019 ka rënë në 77 raste, pra diku rreth 18.95% ka rrënjë.

Shqip Shala - Përfaqësues i mediave lokale – Vendimi për ndalimin e përdorimit të mjeteve piroteknike ka qenë një vendim me vend, në këtë vit është vërejtur se nuk ka pasur hedhje vend e pa vend dhe janë përdorur shumë më pak se viteve të kaluar. Po ashtu përgëzoj policin e Kosovës për punën e bërë gjatë vitit 2019, këtë vit kam vërejtur se rrugët e qytetit kanë qenë më të lira se sa në vitet e kaluara.

Fadil Syka - Përfaqësues i komunitetit të bizneseve – Pronarëve të lokaleve të natës duhet që të ju bëhet një kushtëzim, nëse e përsërisin 3 herë gabimin e njëjtë atëherë të ju merret leje e punës prej 24 orëve.

Kryetari theksoi se duhet që të merren masa më të rrepta ligjore ndaj këtyre lokaleve të natës, këto lokale më shumë na sjellin kriminalitet se sa ndonjë dobi për qytetarët. Ne duhet të shikojmë ligjet që janë në fuqi dhe të ndërmarrim ndonjë masë, pra ne tani si KKSB duhet të votojmë dhe të marrim një vendim që ekzekutivi të ndërmerr masa sipas ligjit rreth aktiviteteve të këtyre lokaleve. Po ashtu kryetari ka propozuar së bashku si këshill të merret një vendim që gjatë bartjes së arkivolit deri tek varrezat e qytetit, njerëzit të cilët e përcjellin të vdekurin sipas traditës që e kemi të mos ecin si deri më tani rrugës kryesore por të devijohet rruga tek lagja Sylka, me këtë do të lirohet qarkullimi i rrugës.

Ylvi Shehu – Përfaqësues i Teqes së Madhe “Shejh Sylejmani” – Sa i përket propozimit për devijim të rrugës në rastet e përcjelljes së të vdekurit deri tek varrezat, është një propozim me vend. Por rruga të cilën ju e propozoni që të kalohet është me të vërtetë një rrugë e bllokuar nga vetë banorët e asaj lagje, pastaj kjo rrugë është vështirë e kalueshme sepse është shumë tatëpjetë, prandaj kishte me qenë mirë që së paku të ndërhyri që të lirohet kjo rrugë.

Nysret Abazibra - Kryeimam i BI-së në Rahovec – Për t’u ekzekutuar ky vendim që do të del sot nga anëtarët e KKSB-së është normale që do të dalin disa probleme, por mendoj se me rastin e marrjes së vendimit në formën e prerë besoj se do të merren parasysh të gjitha këto rrethana që u thanë deri më tani në mënyrë që ky vendim të ekzekutohet. Po ashtu dua të njoftoj këtë këshill sepse është në dobi që ata të jenë të njoftuar, ne si BI në Rahovec kemi marrë iniciativën për ndërtimin e vend larjes për kufoma dhe morgut. Ky morg do të ketë kapacitet për ruajtjen deri në pesë 5 kufoma.

Sabahudin Durguti, Përfaqësues i Teqes “Haxhi Shejh Iliaz Shehu “ – Sa i përket shfrytëzimit të rrugës së propozuar të lagja Sylka, jam pro këtij propozimi, por ju kisha lutur i nderuari kryetar që kjo rrugë të mirëmbahet posaçërisht në stinën e dimrit.

Mensur Haziri, Përfaqësues i FSK-së – Ne si FSK e kemi një plan program për vitin 2020, ku jemi duke i realizuar disa trajnime në shkollat e komunës së Republikës së Kosovës. Në vitin 2020 komuna e juaj është zgjedh si komunë me prioritet, ku do të mbajmë ligjëratat në shkollat e mesme për vetëdijesimin nga minat, do të mbajmë ligjëratat ndaj tërmeteve ose fatkeqësive natyrore.

Konkluzion nga takimi i KKSB-së i datës 23.01.2020

Kërkoj nga policia dhe inspektorati i Komunës së Rahovecit që të vazhdojnë me kontrole dhe me lirime të trotuareve si nga mallrat e ekspozuara ashtu edhe nga makinat, fokus të veçantë në rrugën “Gëzim Hamza – Piktori”, në këtë pjesë kemi shumë ankesa nga qytetarët.

Të ndërmerren masa ndaj shkelësve të ligjit të cilët rezistojnë vendimet e komunës.

Të inspektohen nga inspektorati i komunës varrezat e makinave të vjetra dhe hekurishteve, të shikohet leja e punës së tyre.

Pikat e rendit të ditës nga mbledhja e KKS-së e mbajtur me 12.03.2020

- 1. Shqyrtimi dhe aprovimi i procesverbalit nga mbledhja e kaluar,**
- 2. Vlerësimi i përgjithshëm i gjendjes së sigurisë në territorin e komunës së Rahovecit,**
 - Trotuaret, lirim i tyre dhe shenjat sinjalizuese,
 - Qentë endacakë,
Siguria në trafik,
 - Monitorimi dhe raportimi mbi nivelin e sigurisë në shkollë dhe zbatimin e planit për siguri në shkollë,
 - Rreth veprimeve dhe masave për luftimin e shkelësve të ligjit në komunën e Rahovecit,
- 3. Organizimi i takimit publik me qytetarët dhe kryetarët e fshatrave dhe lagjeve urbane,**
- 4. Të ndryshme.**

1. Pika e parë aprovimi i procesverbalit nga mbledhja e kaluar është aprovuar pa asnjë vërejtje nga ana e anëtarëve të Këshillit Komunal për Siguri në Bashkësi.

2. Sa i përket vlerësimit të gjendjes së sigurisë në territorin e komunës së Rahovecit, kryetari i komunës potencoi se edhe për këtë periudhë dy mujore shkurt – mars, komuna e Rahovecit sipas raportimeve që i vijnë nga policia e Kosovës, është e qetë dhe stabile. Por ajo që ka qenë shqetësuese në këtë kohë është situata me pandeminë e virusit Covid – 19, ku kryetari i komunës i ka njoftuar anëtarët e KKS-së me gjendjen të cilën gjendet për momentin komuna e Rahovecit. Ku sipas kryetarit Latifi, në bazë të orientimeve dhe rekomandimeve apo planit operativ të përgatitjeve e masave dhe veprimeve që i ka marrë Instituti Kombëtar i Shëndetit Publik. Natyrisht edhe ne si komunë e Rahovecit në bashkëpunim me Qendrat Kryesore të Mjekësisë Familjare kemi ndërmarrë masat sipas mundësive tona duke ju përmbajtur rekomandimeve ose kërkesave e nevojave që i ka parashtruar Ministria e Shëndetësisë, Instituti Kombëtar i Shëndetit Publik dhe ne tashmë e kemi edhe si Qendra Kryesore e Mjekësisë Familjare edhe si komunë një plan operativ i cili nënkupton angazhime, aktivitete të cilat do të ndikojnë ose do të na mundësojnë që të jemi më të organizuar në rast se do të kemi ndonjë situatë të paraqitjes se ndonjë qytetari qoftë të komunës tonë apo të komunave tjera me Coronavirus.

Kapiteni Fazli Morina, potencoi se gjendja shqetësuese edhe ma alarmante është çështja e ngritur nëpër të gjitha shtetet e botës, edhe pse në shtetin tonë ende nuk kemi ndonjë rast të paraqitur për fatin e mirë. Dihet vendimin që e ka marrë dje qeveria, tek ne sot ka ardhur një plan operativ dhe është në përputhje me sipër dhe ndërkohë brenda ditës me siguri do të marrim edhe veprime të sakta se çka do të veprohet dhe cilat do të jenë masat që do të ndërmerren, do të shohim në vazhdim që do të vjen nga drejtorja e përgjithshme e policisë në Prishtinë. Sa i përket në përgjithësi, situatës së sigurisë në komunën tonë e vlerësojmë si të qetë dhe stabile pasi nuk ka ndonjë rast të veçantë që do të ndikon në përkeqësimin e situatës për momentin.

Ymret Reshiti, diskutoi sa i përket shëndetit të nxënësve pikërisht tani që është shfaqur pandemia në nivele të botës. Vendimi i qeverisë për mbylljen e shkollave është vendim i drejtë dhe ne si këshill i prindërve e mbështesim, mirëpo kërkoj nga komuna që këto dy javë të fillojë dezinfektimin e institucioneve shkollore dhe kjo është praktikë që po ndiqet në çdo vend të botës aty ku është prekur. Sugjerimi im është që mos të ndalen vetëm tek institucionet shkollore por të vazhdohet edhe me objektet shëndetësore, kulturës dhe gjithë objektet tjera publike.

Sihana Duraku, përfaqësuese e SHL- Kosova – Ka pyetur pse janë ndërprerë punime për rrethimin e shkollës “Xhelal Hajda – Toni”?

Në këtë rast kryetari Latifi së bashku me Kapitenin Fazliu ju kanë përgjigjur të gjitha pyetjeve të parashtruara. Kryetari potencoi që do t'i dezinfektojnë objektet shëndetësore, shkollore, publike, fetare dhe të gjitha vendet ku ka frekuentim me të madh të qytetarëve. Gjithashtu kryetari i tërhoqi vëmendjen bizneseve të cilat i trefishojnë çmimet në këtë kohë pandemie, ne do të mbajmë një evidencë se cila është arsyeja e rritjes së këtyre çmimeve. Kurse sa i përket rrethimit të shkollës

“Xhelal Hajda – Toni”, kjo kontratë ka skaduar dhe ne tani jemi në procedura të ankandit dhe në momentin që lidhet kontrata e re do fillohet me punime.

3. Sa i përket pikës së tretë Organizimi i takimit publik me qytetarët dhe kryetarët e fshatrave dhe lagjeve urbane, kjo nuk ka mundur të ndodhë siç e dini për shkak të situatës së krijuar nga pandemia e virusit Covid – 19.

Pikat e rendit të ditës nga mbledhja e KKSBB-së e mbajtur me 22.05.2020

- 1. Shqyrtimi dhe aprovimi i procesverbalit nga mbledhja e kaluar;**
- 2. Vlerësimi i përgjithshëm i gjendjes së sigurisë në territorin e komunës së Rahovecit,**
 - Shqyrtimi i dukurive negative, me theks të veçantë
 - Trajtimi i objekteve jo të sigurta në komunën e Rahovecit,
 - Monitorimi dhe raportimi mbi nivelin e sigurisë në shkollë dhe zbatimin e planit për siguri në shkollë,
 - Rreth veprimeve dhe masave për luftimin e shkelësve të ligjit në komunën e Rahovecit,
 - Parapërgatitja dhe vetëdijesimi i qytetarëve për parandalimin nga zjarri gjatë sezonit veror,
- 3. Informatë rreth menaxhimit të situatës të krijuar nga Covid – 19 nga Komuna e Rahovecit;**
- 4. Identifikimi i çështjeve problematike që ndikojnë në sigurinë publike ndëretnike,**
- 5. Të ndryshme.**

1. Si gjithmonë pika e parë e rendit të ditës është shqyrtuar dhe më pastaj është aprovuar nga ana e anëtarëve të KKSBB-së në mënyrë unanime.

2. Pika e dytë vlerësimi i përgjithshëm i gjendjes së sigurisë në territorin e komunës së Rahovecit, sa i përket kësaj pika kryetari potencoi se gjendja e sigurisë së përgjithshme në Komunën tonë vazhdon të jetë e qetë dhe stabile, gjithmonë flas duke u bazuar në bazë të informatave të cilat më vinë nga stacioni policor në Rahovec.

Fazli Morina, komandant i stacionit të policisë vlerësoi se gjendja e sigurisë në komunën tonë vazhdon të jetë e qetë dhe stabile. Stacioni policor ka pasur aktivitete të ngjeshura në këto 2 muaj siç e dini rreth pandemisë Covid -19, ku jemi munduar që ta menaxhojmë aq sa mundemi situatën në teren dhe ku besoj se ja kemi dalur. Një falënderim edhe për qytetarët e komunës së Rahovecit që janë treguar të durueshëm dhe bashkëpunues ku i kanë respektuar në përpikëri rekomandimet e dala nga Ministria e Brendshme, ministria e shëndetësisë dhe Instituti i Shëndetësisë Publike dhe shtabit emergjent të formuar nga kryetari i komunës. Në këtë kohë raportuese dhuna në familje në komunën tonë ka qenë më e vogël se sa në kohën para pandemisë, kemi shumë herë pyetje sepse nëpër disa komuna dhuna në familje është rritur në kohën e izolimit nga virusi Covid – 19.

Hasan Përboqi – Drejtori i emergjencave raportoi sa i përket zjarreve në komunën e Rahovecit për periudhën prill – maj, ku ceku se: Pasi që jemi në muajt e temperaturave të larta dhe thatësisë së theksuar ekziston rreziku i shpërthimit të zjarreve në terrene të hapura dhe përhapjes së shpejtë e të pakontrolluar të zjarreve. Apelojmë te qytetarët e komunës së Rahovecit që në këtë kohë mos të shkaktojnë zjarre në ambiente të hapura duke i ndezur hamullorët, stërnishtat në fushë dhe duke u bërë shkaktarë të përhapjes së zjarreve në pyjet dhe shtëpitë të cilat janë të kufizuara me ara të korrura. Pronarët, shfrytëzuesit e objekteve, pjesëve të objekteve dhe hapësirave, si dhe çdo person i cili e vëren rrezikun e drejtpërdrejtë nga shkaktimi i zjarrit, është i obliguar të mënjanojë rrezikun, respektivisht ta fikë zjarrin.

3. Sa i përket pikës së tretë informatë rreth menaxhimit të situatës të krijuar nga Covid – 19 nga Komuna e Rahovecit. Në këtë pikë kryetari i komunës e ka sjellë një raport të menaxhimit të situatës me Covid – 19 nga komuna e Rahovecit, ku ka cekur se cilat veprime ose masa i ka marrë Komuna për parandalimin e përhapjes së kësaj pandemie. Kryetari ceku se komuna jonë ka pasur një bashkëpunim të mirë me policinë e Kosovës, ku inspektorati dhe shtabi emergjent i cili është formuar menjëherë i ka mbyllur me kohët të gjitha lokalet. Pastaj komuna jonë ka pasur kontakte të

vazhdueshme me Ministrinë e Shëndetësisë dhe Institutin Kombëtar i Shëndetësisë Publike. Ku të gjitha rekomandimet e tyre u janë përcjellë edhe qytetarëve të komunës sonë, ku për këtë kryetari pati një falënderim ndaj qytetarëve të cilët i kanë respektuar këto thirrje. Në komunën e Rahovecit janë të infektuar 335 persona në përgjithësi, numri i të shëruarve është 15, aktiv ende janë 19 persona dhe 2 raste i kemi të vdekur.

Nysret Abazibra – Kryeimam i BIK-ut, ka potencuar se që nga marrja e vendimit nga Ministria e Shëndetësisë dhe IKSHP-ja, ne si bashkësi islame nuk kemi kryer ritet fetare nëpër objektet si xhamitë dhe teqet, i kemi respektuar në përpikëri thirrjet e IKSHP-së. Po ashtu ju njoftojmë se falja e Bajramit nuk do të bëhet për arsye që të gjithë i dimë.

4. Sa i përket pikës së katër Identifikimi i çështjeve problematike që ndikojnë në sigurinë publike ndëretnike, kryetari ceku që nuk kemi se çka të bisedojmë sepse gjendja ndëretnike në komunën tonë është shumë e mirë, nuk ka ndonjë problem. Ka pasur një iniciativë që të bëjnë por ajo nuk ju ka shkuar ashtu siç kanë menduar, flas me prishjen e varrezave të minoriteteve RAE, por aty janë prishur edhe varrezat e komunitetit shumicë, prandaj kjo nuk duhet të merë ngjyrë ndëretnike.

Konkluzion nga Kryetari i Komunës për mbledhjen e datës 22.05.2020

Kryetari në emër të KKSB-së kërkoi nga policia dhe inspektorati i Komunës së Rahovecit që të vazhdojnë me kontrolle të gjitha atyre t ë cilët nuk i respektojnë vendimet ose thirrjet e Ministrisë së shëndetësisë dhe IKSHP-së, rreth parandalimit të virusit Covid – 19.

Po ashtu si konkluzion i përbashkët është apeli të cilën e bënë Kryem imami i BIK-ut në Rahovec, përfaqësuesi i tarikatit Helveti z. Ylvi Shehu dhe tarikatit Rufai z. Sabahudin Durguti. Pra që qytetarët e komunës së Rahovecit gjatë kohës së festës së bajramit të mos bëjnë vizita nëpër familjarët e tyre ashtu sikurse e kemi traditë gjithmonë në festat e bajramit.

Pikat e rendit të ditës nga mbledhja e KKSB-së e mbajtur me 09.07.2020

- 1. Shqyrtimi dhe aprovimi i procesverbalit nga mbledhja e kaluar;**
- 2. Informatë rreth menaxhimit të situatës të krijuar nga Covid – 19 nga Komuna e Rahovecit;**
- 3. Vlerësimi i përgjithshëm i gjendjes së sigorisë në territorin e komunës së Rahovecit,**
 - Prishja e qetësisë publike nga lokalet e natës dhe personat e papërgjegjshëm,
 - Masat për parandalimin e lëmoshë-kërkuesit,
 - Plani operativ për sezonin e pushimeve të mërgimtarëve dhe dasmave,
 - Siguria në trafik,
 - Monitorimi dhe raportimi mbi nivelin e sigorisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në komunën e Rahovecit,
 - Parapërgatitja dhe vetëdijesimi i qytetarëve për parandalimin nga zjarri gjatë sezonit veror,
- 4. Sensibilizimi i qytetarëve për rëndësinë e promovimit të bashkëpunimit ndër-etnik, multi-kulturor dhe ndër-fetar.**
- 5. Të ndryshme.**

1. Pika e parë e rendit të ditës është aprovuar pa asnjë diskutim ose vërejtje nga ana e anëtarëve të KKS-së.

2. Sa i përket menaxhimit të situatës të krijuar nga Covid – 19 nga Komuna e Rahovecit, kryetari potencoi se komuna i ka të gjitha të dhënat që nga fillimi i kësaj pandemie, por nuk do ju ngarkoj me ato sepse edhe në mbledhjen e kaluar ju kam dhënë një informatë të tillë. Në komunën tonë që nga fillimi e deri tani janë të infektuar rreth 84 persona, ku prej tyre 46 persona janë aktiv me Covid – 19, të shëruar janë 30 raste, kurse të vdekur për fat të keq i kemi 8 raste. Ne si komunë jemi të njoftuar për çdo ditë me rastet e infektimit para se të dalin në publik, njoftimi në vije nga IKSHP-ja. Prandaj mendoj se duhet të u bëhet thirrje qytetarëve të Komunës së Rahovecit edhe nga ky këshill që ti përmbahen rekomandimeve të institucioneve qendrore dhe atyre komunale që në fund ta mundim këtë virus të padukshëm.

3. Kurse si pikë e tretë është diskutuar edhe vlerësimi i përgjithshëm i gjendjes së sigurisë në territorin e komunës së Rahovecit, ku sipas kryetarit të komunës gjendja e sigurisë së përgjithshme në komunën e Rahovecit vazhdon të jetë e qetë dhe stabile, gjithmonë flas duke u bazuar në bazë të informatave të cilat më vinë nga stacioni policor në Rahovec. Nuk kemi ndonjë rast për të ju informuar me diçka e cila do ja vlente dhe do hynte në atë që ne e quajmë prishje të gjendjes së sigurisë në komunën tonë.

Kurse Komandanti i policisë z. Fazli Morina raportoi në pika të shkurtra sa i përket sigurisë së përgjithshme në Komunën e Rahovecit ka qenë e qetë dhe stabile, po ashtu edhe në këto ditë të muajve raportues maj – qershor dhe deri më sot në muajin korrik gjendja vazhdon të mbetet e qetë dhe stabile. Do i referohem në pika të shkurta për disa nga ngjarjet që kanë ndodhur: Në muajin qershor janë shqiptuar nga ana e policisë rreth 13 gjopa për prishje të rendit dhe qetësisë publike, sepse sipas ligjit tani deri shumen prej 500 € ka drejtë policia të i gjobit pa shkuar rasti në gjykatë. Sa i përket lëmshve kërkuesve njësi ynë përkatës merret me ta, por për fat të mirë këta lëmshë kërkues nuk janë nga komuna jonë, shumica janë nga komunat e tjera. Kurse sa i përket organizimit të dasmave, tani me vendimin e fundit deri në 50 persona lejohet mbajtja e ahengjeve, prandaj ne deri më tani nuk kemi marrë ndonjë masë në familjet të cilët kanë organizuar dasma. Siguria në trafik deri në një masë është mirë, ne e kemi planin operative për sigurinë në trafik të cilin a zbatojmë. Kurse sa i përket zbatimit të vendimit për mbylljen e kafiterive nga ora 21:00 për shkak të pandemisë, lirishtë mundem të them se ky vendim nuk është duke u zbatuar, ne dakorduar me kryetarin e komunës që ti paralajmërojmë pronarët e kafiterive, por ata nuk janë duke kuptuar si duket. Prandaj mendoj se duhet të shkohet me masën e ndëshkimit ashtu siç është e paraparë me vendim të cilin e ka mare qeveria e Republikës së Kosovës.

Përfaqësuesi i FSK-së diskutoi sa i përket problemit të lëmshve kërkuesve, ku e ceku se lëmshë kërkuesit këtë e kanë bërë si profesion ose punë, prandaj është mirë që mos të përkrahen ata me mjete financiare sepse nëse ne i japim atyre atëherë jemi duke i përkrahur në veprimin e tyre. Kishte me qenë mirë që të bëhet vetëdijësimi i tyre me anë të ndonjë ligjërate si nëpër bashkësi fetare, shkolla etj. Kurse sa i përket zjarrfikësve ne si FSK kemi mundësi që të organizojmë një trajnim me Policinë e Kosovës, zjarrfikësit dhe me nga një përfaqësues të lagjeve dhe fshatrave, ku do të bëjmë një trajnim se si bëhet fikja e zjarrit ose shpëtimi nga zjarri deri sa të vinë zjarrfikësit.

Shahip Shala e ceku se në komunën e Rahovecit nuk ka pasur asnjëherë lëmshë kërkues, i kam 70 vite dhe nuk kamë hasur, ndoshta kjo ndodhë edhe për shkak të mentalitetit që e kanë njerëzit e komunës sonë. Por kjo dukuri në kohët e fundit si duket pak ka ndryshuar sepse ka disa prindër të papërgjegjshëm që i lëshojnë fëmijët e tyre për të kërkuar, prandaj kishte me qenë mirë që policia në planin tyre operativ të i identifikojnë këta prindër dhe të ju tërhiqet vërejtje.

Kryeimami i Bashkësisë Islame në Rahovec z. Nysret Abazibra potencoi se institucionet i bashkësisë fetare, me këtë dukuri janë duke u ballafaquar çdo ditë dhe më së shumti, po ashtu janë duke mbajtur fjalime sa i përket lëmshve kërkuesve, këta persona janë duke na penguar çdo ditë që ti kryejmë ritet fetare. Nuk janë vetëm fëmijët por prindër së bashku me fëmijë, si institucion i bashkësisë fetare disa herë këtyre personave i kemi dalë në ndihmë me gjëra ushqimore, por ata përsëri vazhdojnë që të vinë dhe të na pengojnë, po ashtu ne jemi ne gjendje edhe në të ardhmen që ti

ndihmojmë me gjëra ushqimore. Prandaj kishte me qenë mirë që me këtë kategori të ndermirët diçka ma serioze e jo vetëm këshilla sepse këshilla jemi duke dhënë shumë herë.

Drejtori i Emergjencës në Rahovec z. Hasan Përboqi e ka paraqitur Raportin për Planin Operativ për sezonin veror korrik – gusht. Ku e ceku se njësia e zjarrfikësve në këtë vit është shumë më e kompletuar se sa në vitin e kaluar, jemi pajisur me disa kamion të rinj për zjarrfikës, dhe me disa vegla të nevojshme për zjarrfikësit. Po ashtu Komuna e Rahovecit ka investuar rreth 12,000.00 € për zjarrfikës ku i ka ndërtuar disa garazhe për kamion në mënyrë që të mos ekspozohen jashtë. Ne në periudhën 6 mujore të vitit 2020 kemi pasur rreth 98 zjarre, por për fat të mirë asnjëri nuk ka pasur dëme në njerëz por vetëm dëme materiale. Po ashtu ne si drejtori për çdo vit gjatë fillimit të sezonit të verës i njoftojmë qytetarët e komunës sonë me disa fletushke se si të mbrohen nga zjarret deri sa të vije ekipi i zjarrfikësve, këto fletushke shpërndahen në të gjithë komunitetin e komunës sonë.

4. Si pik e katërt e rendit të ditës është diskutuar: Sensibilizimi i qytetarëve për rëndësinë e promovimit të bashkëpunimit ndër-etnik, multi-kulturor dhe ndër – fetar. Me këtë rast kryetari i komunës z. Smajl Latifi para anëtarëve të KKSB tha: Kjo është një pikë e cila na ka ardhur edhe këtë vit si propozim nga OSBE-ja, ne vitin e kaluar i kemi mbajtur disa aktivitetet si KKSB në bashkëpunim me OSBE-në, ku janë organizuar lojëra të ndryshme sportive. Por siç e dini të gjithë këtë vit nuk kemi mundësi të bëjmë diçka të tillë sepse shkak është pandemia, por shpresoj se me kalimin e kësaj pandemie do të organizohet diçka e tillë në mes komuniteteve që jetojnë në komunën e Rahovecit. Ne si komunë për fat të mirë nuk kemi ndonjë problem ndër etnik deri më tani dhe besoj se kjo frymë e mirë e bashkëpunimit do të vazhdojë edhe në të ardhmen. Unë si kryetar i komunës do të shkoj së shpejti të e vizitoj Hoçën e Madhe ku jeton komuniteti serb, ku do të shohë mos kanë ndonjë kërkesë nga ne si komunë.

Konkluzion nga Kryetari i Komunës për mbledhjen e datës 09.07.2020

1. *Policia dhe inspektorati të vihen në lëvizje dhe të zbatojnë ligjin ndaj atyre të cilët e shkelin ligjin dhe vendimet e komunës, ne si komunë dhe si KKSB duhet të i japim mbështetje në mënyrë që të respektohet në përpikëri ligji.*
2. *Konkluzioni i dytë është që jemi pro propozimit të përfaqësuesit të FSK-së që të bëhet një trajnim sa i përket aftësimin të komunitetit për fikje të zjarrit, ne si komunë do ju mbështesim.*
3. *Mërgimtarët në komunën tonë e kanë sportelin e veçantë për kryerje të shërbimeve si çdo vit edhe këtë vit, po ashtu mërgimtarëve do ju lejohet që të parkojnë makinat e tyre në oborrin e komunës pa pagesë.*
4. *Dasmat munden të organizohen ashtu siç është marrë vendimi në qeveria e Republikës së Kosovës deri në 50 persona, por gjithnjë kjo duhet të respektohet, në të kundërtën policia duhet të veprojë menjëherë.*
5. *Lokalet e natës ne si komunë dhe si KKSB e kemi marrë një vendim që ato pas orës 23:00 e kanë të ndaluar punën, prandaj lusë inspektoratin dhe policin që të veprojnë nëse këto lokale të natës vazhdojnë punën pas orës 23:00, pra duhet të respektohen vendimet e komunës.*
6. *Zhurma nga muzika dhe motoçiklistët pas orëve të vona, policia e ka gjitha kompetencat dhe mbështetjen e komunës që këta persona të i gjobitë, nuk duhet lejuar që disa persona të prishin qetësin publike të qytetarëve të komunës sonë.*
7. *Sa i përket mallrave të ekspozuara në trotuare, kërkoj nga policia në bashkëpunim me inspektoratin që këto mallra të i largojë menjëherë, pra t'i konfiskojë në mënyrë që qytetarët e komunës sonë të mundin të lëvizin lirshëm.*
8. *Lëmosh kërkuessit duhet të hiqen nga rrugët e qytetit sepse vetëm aty kemi më shumë, kërkoj nga policia që të i identifikoj prindërit e tyre ose organizatorët e tyre që i lëshojnë fëmijët në rrugë dhe të merren masa ndaj tyre.*

Pikat e rendit të ditës nga Mbledhja e KKSB-së e mbajtur me 14.09.2020

1. Shqyrtimi dhe aprovimi i procesverbalit nga mbledhja e kaluar;

2. Informatë rreth menaxhimit të situatës të krijuar nga Covid – 19 nga Komuna e Rahovecit;

3. Vlerësimi i përgjithshëm i gjendjes së sigurisë në territorin e komunës së Rahovecit;

- Prishja e qetësisë publike nga lokalet e natës dhe personat e pa përgjegjshëm,
- Mbrojtjes së pyjeve nga dëmtuesit ilegalë,
- Vetëdijesimi nga minat dhe mjetet tjera të pa shpërthyer nga lufta,
- Identifikimi i hapësirave për qasjen e personave me nevoja të veçanta,
- Siguria në trafik,
- Raportimi dhe parandalimi i dhunës në familje,
- Rreth veprimeve dhe masave për luftimin e shkelësve të ligjit në komunën e Rahovecit.

4. Informatë rreth përgatitjeve për fillimin e vitit të ri shkollor 2020 -2021;

5. Të ndryshme.

1. Pika e parë është aprovuar pa asnjë vërejtje nga ana e anëtarëve të KKSB-së.

2. Diskutimi ka vazhduar për pikën së dytë rreth menaxhimit të situatës të krijuar nga Covid – 19 nga Komuna e Rahovecit, Kryetari z. Smajl Latifi e paraqiti një informatë rreth gjendjes së pandemisë me Covid -19 në komunën e Rahovecit, ku ceku se: Ne si komunë i kemi të gjitha të dhënat që nga fillimi i kësaj pandemie, por nuk do ju ngarkoj me ato sepse edhe në mbledhjen e kaluar ju kam dhënë një informatë të tillë. Po ashtu i keni edhe në web faqen e komunës së Rahovecit, në pika shkurta do ju japë edhe për këtë dy muaj një informatë sa i përket Covid – 19. Deri më tani në komunën e Rahovecit kemi 126 të shëruar nga virusi Covid – 19, raste aktive deri më tani kemi 44, kurse të vdekur nga virusi Covid në Komunën e Rahovecit janë gjithsej 47. Vazhdojmë të bëjmë dezinfektimin e objekteve të institucioneve të komunës, po ashtu tani kemi bërë edhe dezinfektimin e shkollave, çerdheve dhe hapësirave të rëndësishme publike. Ne si komunë kemi material të bollshëm si masë parandaluese të përhapjes së virusit Corona – 19, për faktin që sot edhe ashtu ka filluar mësimi në shkollat tona.

3. Në pikën e tretë është diskutuar sa i përket gjendjes së sigurisë në territorin e Komunës së Rahovecit, po ashtu edhe këtu kryetari i komunës z. Smajl Latifi ceku se gjendja e sigurisë së përgjithshme në Komunën tonë vazhdon të jetë e qetë dhe stabile, gjithmonë flas duke u bazuar në bazë të informatave të cilat më vinë nga stacioni policor në Rahovec. Nuk kemi ndonjë rast për të ju informuar me diçka e cila do ja vlente dhe do hynte në atë që ne e quajmë prishje të gjendjes së sigurisë në komunën tonë.

Kurse komandanti i stacionit policor në Rahovec z. Fazli Morina, e ka paraqitur një raport para anëtarëve të KKSB –së, sa i përket gjendjes së sigurisë ku potencoi se: Gjendja e sigurisë së përgjithshme në komunën e Rahovecit konstatohet se ka qenë e qetë dhe stabile, po ashtu edhe në këto ditë të muajve raportues korrik– deri me 10 shtator, menaxhimi i situatës së krijuar nga Covid – 19, në zonën tonë të përgjegjësisë, të gjitha njësitë e stacionit të policisë në Rahovec kanë qenë të angazhuar në drejtim të implementimit të planit operativ për gatishmëri dhe reagim për Covid – 19. Gjatë periudhës raportuese korrik – 10 shtator janë regjistruar 88 raste në përgjithësi, nga këto 85 janë vepra penale dhe 3 incidente të ndryshme, 5 janë vjedhje të lehta, vjedhje të rëndë 6, mbajtja e paautorizuar e armëve kemi vetëm 1 rast, kurse dhuna në familje është në rritje ku kemi pasur 9 raste. Njësitë përkatëse të stacionit policor në Rahovec kanë marrë të gjitha veprimet e nevojshme, të gjitha këto raste janë duke u hetuar.

Kurse sa i përket situatës së sigurisë në trafik, ne si polici jemi në vazhdimësi duke ndërmarrë masa të nevojshme të sigurisë për ti mundësuar të gjithëve kategorive pjesëmarrësve në komunikacion një lëvizje të sigurt. Po ashtu lirisht mundemi të themi se qyteti është i pastruar nga parkimi vend e pa vend i makinave, mundet të ketë edhe në ndonjë vend por aksioni do të vazhdojë, ne nuk do të tolerojmë asnjë parking në trotuare.

Siguria në shkolla, policia vazhdimisht është duke u përkushtuar për sigurinë në shkolla, kurse gjatë periudhës raportuese plani operativ i policisë për sigurinë në shkolla nuk është implementuar për arse se të gjitha këto plane janë pezulluar nga drejtoria rajonale, por kjo nuk do të thotë se nuk do të vazhdojnë më, ne jemi duke pritur vendimin tjetër.

Lulzim Krasniqi diskutoi sa i përket identifikimit të hapësirave publike për qasje sa më të lehtë të personave me nevoja të veçanta, ku propozoj që në bashkëveprim me Drejtorin e Shërbimeve Publike dhe policinë e trafikut, të dalin së bashku në teren dhe ta bëjnë identifikimin e të gjitha hapësirave dhe objekteve që nuk kanë qasje për persona me nevoja të veçanta. Në fund të bëhet një plan i përbashkët ku do ti mundësohet një qasja sa më e mirë.

4. Si pikë e katërt është diskutuar përgatitja për fillimin e vitit të ri shkollor 2020 -2021, drejtori i DKA-së z. Avni Morina e dhe një informatë: Me vendim të MASHT-it dhe në koordinim me MSH-së dhe të gjitha institucioneve relevante, ishte marrë vendim që viti shkollor të shtyhet për 14 shtator 2020, secila komunë para se të fillojë viti shkollor ka themeluar task forcën komunale ku i prinë Kryetari i Komunës dhe kjo task forcë është në koordinim të plotë me task forcat e shkollave. Fillimisht është bërë përgatitja e duhur për fillimin e vitit shkollor , janë furnizuar shkollat me tekste mësimore nga klasat 0-9, është bërë dezinfektimi i shkollave, janë pajisur të gjithë nxënësit e shkollave me maska. Pra për fillim të këtij viti të ri shkollor janë bërë të gjitha përgatitjet e nevojshme, po ashtu në mbledhjen e mbajtur nga task forca e cila është mbajtur 2 ditë para se të ja fillojë mësimi, ka dalë me një plan konkret: Sipas këtij plani shkollat e mëdha kanë filluar me mësim me nivelin e klasave 0,1,2,3,6, kurse shkollat që kanë numrin e nxënësve mesatar nga 200-500 nxënës, klasat që kanë filluar mësimin janë nga niveli 0-6, kurse shkollat që kanë pak nxënës kanë filluar të punojnë me të gjithë klasat pra nga klasa 0-9.

Konkluzion nga Kryetari i Komunës për mbledhjen e datës 14.09.2020

1. *Kërkoj nga Inspektorati komunës dhe policia të bëjë largimin e mallrave të ekspozuara në trotuare.*
2. *Sa i përket atyre që nuk i respektojnë vendimet kundra përhapjes së pandemisë Covid – 19, kërkoj nga drejtoria e shëndetësisë, inspektorati i komunës dhe policia të veprojnë sipas ligjit dhe të ndërmarrin masa ndaj këtyre personave të papërgjegjshëm.*
3. *Të vazhdohet me lirim të trotuareve nga makinat e parkuara, sepse ende ka hapësirë për punë.*
4. *Sa i përket identifikimit të hapësirave për qasjen e personave me nevoja të veçanta, ne si komunë kemi një plan të veprimit, ka filluar edhe identifikimi edhe shenjëzimi i hapësirave dhe rekomandoj që kjo të vazhdohet dhe të kryhet sa më parë.*
5. *Tek lëmoshë kërkuesit, rekomandojmë që të i bëhet apele kryefamiljarëve që të punojnë sa më shumë me fëmijët e tyre, sepse ne jemi duke parë që ka shumë fëmijë që kërkojnë lëmoshë. Policia të merret seriozisht me ato raste që nuk janë nga komuna jonë.*
6. *Sa i përket qenve endacakë unë e kam ngritë këtë problem në emrin tuaj dhe qytetarëve të komunës edhe me kryeministrin edhe me ministrat përkatës, ju kemi drejtuar edhe me shkresa zyrtare sepse ne nuk e dimë këta qen që lëvizin rrugës a janë të trajtuar. Ne si komunë nuk jemi kompetent, kompetent është AVUKU, prandaj si rekomandim i KKS-së do të jetë që puna qenve endacak të merret me seriozitet, unë si kryesues i KKS-së do i dërgoj përsëri email organeve kompetente me rekomandimin e KKS-së.*
Siguria në trafik – Rekomandim, të kihet më shumë kujdes në trafik nga vozitësit e makinave, kurse komuna si komunë do të kryej detyrat e veta do t'i shenjëzojë të gjitha rrugët lokale, kurse ngasësit duhet që t'i respektojnë ato.

REND DITE

1. Shqyrtimi dhe aprovimi i procesverbalit nga mbledhja e kaluar;
2. Informatë për periudhën tetor – nëntor, rreth menaxhimit të situatës së krijuar nga Covid – 19;
3. Vlerësimi i përgjithshëm i gjendjes së sigurisë në territorin e Komunës së Rahovecit;
 - Vetëdijesimi për rrezikun e përdorimit të mjeteve piroteknike,
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Mungesa e parkingjeve në qytet dhe ndriçimi publik;
4. Shqyrtimi dhe aprovimi i Planit të Punës së KKSB-së për vitin 2021;
5. Të ndryshme.

1. Shqyrtimi dhe aprovimi i procesverbalit nga mbledhja e kaluar.

Sa i përket pikës së parë të rendit të ditës është aprovuar pa asnjë vërejtje.

2. Informatë për periudhën tetor – nëntor, rreth menaxhimit të situatës së krijuar nga Covid – 19.

Kryetari – Ka cekur se sa i përket menaxhimit të situatës me Covid – 19, ne si komunë i kemi të gjitha të dhënat që nga fillimi i kësaj pandemie e deri në ditën e stome, IKSGP-ja sapo më lajmëroi sot komuna jonë nuk ka asnjë rast dhe ky është një lajm i mirë. Do ju japë disa informata ose disa shifra: Komuna e Rahovecit për momentin i ka 287 të shëruar, 110 raste aktive dhe 45 vdekje, pra gjithsej janë 442 raste, këto janë të dhëna që nga fillimi e deri dje. Vazhdon dezinfektimi i objekteve të institucioneve dhe mjediset publike ku janë më të frekuentuara. Ne si komunë deri diku jemi duke e përballuar mirë situatën edhe pse i kemi dikur rreth 14 mjek të prekur me Covid-19, po ashtu edhe gjendja në arsim është e mirë, ka qenë një nxënës dhe disa mësimdhënës të prekur me Covid – 19, por gjithçka ka shkuar mirë. Mjetet për mbrojtje nga Covid -19 kemi të mjaftueshme, shkollat janë të pajisura me maska dhe dezinfektues, si përfundim shpresojmë se gjendja me Covid -19 të përmirësohet dhe ne do i kthehemi normalitetit sepse shumë biznese janë dëmtuar.

Nysret Abazibra - Kurse Imami i Këshillit të Bashkësisë Islame në Rahovec potencoi se nëse e krahasojmë vitin e kaluar me këtë vit, ne si institucion i Bashkësisë Islame në Rahovec konsiderojmë që është një dallim shumë i madh nëse e krahasojmë me vitet e kaluara, ajo që dua të them është se rastet e konstatuara në formë zyrtare ndoshta nuk janë të sakta në krahasim me realitetin. Ne në vitin 2019 kemi pasur 315 raste të vdekjes, kurse në vitin 2020 deri me datën e sodit kemi 471 raste, ndërsa vetëm në muajin që jemi tani dhjetor për 9 ditë kemi 22 raste. Në muaji nëntor kemi pasur 65 raste që kur më parë nuk ka pasur kaq shumë raste. Kjo tregon se gjendja me Covid – 19 është shumë më serioze se sa ne e evidentojmë.

Fazli Morina – Të nderuar qoftë varrimet të konfirmuara me Covid – 19, qoftë vdekjet natyrale masat duhet të ndërmerren si për të dyja rastet, ne si patrullë e policisë gjithmonë jemi aty kur ka varrime, por është një pozitë e keqe sepse është vdekje ka dhimbje dhe nuk kemi si të ndërhyrë, por nuk është ashtu siç e shkruajnë se është varrosur në prezencën e 20 familjarëve sepse shumë më shumë njerëz marrin pjesë deri në 300. Prandaj ju lusë të gjithëve që jeni sot këtu pjesëmarrës në këtë mbledhje të diskutoni me të afërmit e juaj dhe aty ku mundeni që të i njoftoni me vendimet dhe procedurat të cilat janë anti Covid – 19, në mënyrë që mos të kemi më shumë raste, ne si polici në ato raste jo që nuk mundemi të reagojmë por moralisht nuk po mundemi të marrim masa gjata varrimit të një të afërmi.

3. Vlerësimi i përgjithshëm i gjendjes së sigurisë në territorin e komunës së Rahovecit.

Kryetari – Ceku se gjendja e sigurisë është e qetë dhe stabile, po e përsërisë se nuk kemi ndonjë rast i cili do e shqetësojë komunën tonë, pra vazhdon që komuna jonë të jetë e qetë, unë si kryetar komune pranoj çdo ditë raporte nga polica e Rahovecit, po ashtu kemi kontakte të vazhdueshme

dhe për këtë e falënderoj edhe policin e Kosovës stacioni në Rahovec. Jo që ja vlen ndoshta të ceket është se jemi duke vazhduar që të sfidohemi nga hajnat, kemi pasur disa vjedhje dhe plaçkitje në disa lokalitete dhe në qytet, por për këtë na informon më mirë komandanti i policisë. Kurse sa i përket nënpikave, mendoj se parkingje në Rahovec ka mjaftueshëm por sa janë duke u shfrytëzuar ajo është diçka tjetër, kurse sa i përket ndriçimit publik, me lejoni që të ju them se ndriçimi publik është duke vazhduar të ritet çdo ditë, ne kemi kontratë dhe jemi duke vazhduar nga fshati në fshat, ju siguroj se asnjë fshat dhe asnjë lagje nuk do të jetë pa ndriçim publik. Sa i përket monitorimit të arsimit të gjithë e dini se si zhvillohet mësimi tani në komunën tonë por edhe në gjithë Kosovën, ne e kemi pranuar një udhëzues se si duhet të i zhvillojmë mësimet, poashtu e kemi edhe task forcën e DKA-së dhe task forcat e shkollave. Vlerësimet në shkolla janë në baza ditore, neve na informojë se si shkon situata nëpër shkolla. kurse sa i përket vetëdijesimit të qytetarëve për rrezikun e përdorimit të mjeteve piroteknike, ne duhet të përgatitemi sepse viti ri po vije, fishekzjarrët vetëm sa kanë filluar të hedhen, e mira kishte me qenë që të ndërprehet në burim këto gjera, por kjo nuk varet nga ne, mirë kishte me qenë që të ndalen së paku ato që janë më të rrezikshme.

Fazli Morina - Poashtu ceku se sa i përket situatës së sigurisë në territorin e komunës së Rahovecit, vazhdon të jetë e qetë dhe stabile, policia e Kosovës me përkushtim dhe profesionalizëm garanton rend publik, qetësi dhe siguri për të gjithë qytetarët e Komunës së Rahovecit. Kurse sa i përket menaxhimit të situatës së pandemisë Covid – 19, në zonën tonë të përgjegjësisë gjatë periudhës raportuese, të gjitha njësitë e kanë qenë të angazhuara në drejtim të implementimit të Planit operativ të DRP-së Gjakovë, për gatishmëri dhe reagim për Corona virus Covid – 19, si dhe kanë vepruar në përputhje me zhvillimet aktuale dhe zbatimin e vendimeve të qeverisë së Kosovës. Komandanti i policisë poashtu i njoftoi anëtarët e KKSBB-së me shqiptimin e disa gjobave si të trafikut, ashtu atyre anti Covid – 19, pastaj arrestimet që janë bërë nga policia e Rahovecit etj.

4. Shqyrtimi dhe aprovimi i Planit të Punës së KKSBB-së për vitin 2021.

Kryetari - Potencoi se ky plan ka qenë në diskutim publik në web faqe të Komunës, ku të gjithë të interesuarit kanë pasur të drejtë që të japim propozimet dhe mendimet e tyre sa i përket planit të punës së KKSBB-së për vitin 2021, por sipas z. Skender Hamza, udhëheqëse për Punë të Kuvendit dhe koordinator i KKSBB-së, deri më tani nuk ka ardhur asnjë email në adresë të tij sa i përket këtij plani. Prandaj nga ju kërkohet që ky plan të aprovohet ku pastaj do të aprovohet edhe në mbledhje të kuvendit. Plani është aprovuar në mënyrë unanime nga anëtarët e KKSBB-së.

Konkluzion nga Kryetari i Komunës për mbledhjen e datës 14.09.2020

1. Kërkoj nga Inspektorati komunës dhe policia të bëjë largimin e mallrave të ekspozuara në trotuare.
2. Sa i përket atyre që nuk i respektojnë vendimet kundra përhapjes së pandemisë Covid – 19, kërkoj nga drejtorja e shëndetësisë, inspektorati i komunës dhe policia të veprojnë sipas ligjit dhe të ndërmarrin masa ndaj këtyre personave të papërgjegjshëm.
3. Të vazhdohet me lirim të trotuareve nga makinat e parkuara, sepse ende ka hapësirë për punë.
4. Sa i përket Identifikimi i hapësirave për qasjen e personave me nevoja të veçanta, ne si komunë kemi një plan të veprimit, ka filluar edhe identifikimi edhe shenjëzimi i hapësirave dhe rekomandoj që kjo të vazhdohet dhe të kryhet sa më parë.
5. Tek lëmsh kërkuesit, rekomandojmë që të i bëhet apele kryefamiljarëve që të punojnë sa më shumë me fëmijët e tyre, sepse ne jemi duke parë që ka shumë fëmijë që kërkojnë lëmsh. Policia të merret seriozisht me ato raste që nuk janë nga komuna jonë.
6. Sa i përket qenve endacak unë e kem ngritë këtë problem në emrin tuaj dhe qytetarëve të komunës edhe me kryeministrin edhe me ministrat përkatës, ju kemi drejtuar edhe me shkresa zyrtare sepse ne nuk e dimë këta qen që lëvizin rrugës a janë të trajtuar. Ne si komunë nuk jemi kompetent, kompetent është AVUKU, prandaj si rekomandim i KKSBB-së do të jetë që puna

qenve endacak të merret me seriozitet, unë is kryesues i KKSBB-së do i dërgoj përsëri email organeve kompetente me rekomandimin e KKSBB-së.

7. Siguria në trafik - Rekomandim, të kihet më shumë kujdes në trafik nga vozitësit e makinave, kurse komuna si komunë do të kryej detyrat e veta do t'i shenjëzojë të gjitha rrugët lokale, kurse ngasësit duhet që ti respektojnë ato.

Skender Hamza


Kordinatori i KKSBB-së

Smajl Latifi


Kryetari i Komunës

